

La Noche Magica

Con el más romántico de México

Pedro Fernández

y el Mariachi Gama Mil

Fecha: 6 de Abril, 1996

Lugar: Tropicana Showroom

Hora: 9:00 pm

Entrada: \$50 por persona




Mesas V.I.P. disponibles al
teléfono 35353, fax 35354

con la actuación
especial de

Edjean Semeleer

Edward y Biezen

acompañado por el
Mariachi Lirios del Campo



DEN AMBIENTE

PROME CONCIERTO DI GALA CU "EL MAS ROMANTICO DI MEXICO" PEDRO FERNANDEZ...

** Ayera durante un conferencia di prensa cual a tuma lugar den e prestigioso Tropicana showroom di Royal Cabana Casino, e organizadornan di e concierto tan spera di Pedro Fernandez, a relata prensa den presencia di e patronisadornan tur local tin di haber cu e concierto "El Mas Romantico di Mexico" Pedro Fernandez y su Mariachi Gama Mil di Mexico.

E relato ta como lo siguiente: "For di chiquito el a conquista nos curason, awor na grandi lo e canta pa nos", asina e forma cu e promocion a inicia pa e presentacion exclusivo mas o menos for di un luna pasa, pa yegada di e gran cantante Mexicano Pedro Fernandez cu ta preparando pa yega Aruba prome biaha dia 6 di April, hunto cu su propio Mariachi GAMA MIL, directamente for di e ciudad di Mexico y pa nan sigui despues pa hermana isla Corsow su dia siguiente.

Hopi ta esnan cu tabata pendiente y a demostra atencion riba e promocion cu ya ta coriendo atraves di nos emisorean local den un forma di laga tur hende pendiente di su presentacion

pa prome biaha aki na Aruba.

Mirando cu aña 1995, Pedro Fernandez a sa di conquista un y tur amante di musica romantica cu su cancion "Mi forma de sentir" y cu un C.D. cu a vende 1 miyon di copia rond mundo y cu tabata e balada mas gusta e aña menciona y hasta tabata un di e temanan mas usa durante varios festivalnan local y despues di multiple peticion y hasta esfuersonan envan pa trece Aruba, awor porfin Aruba lo haya e oportunidad unico pa goza di un anochi Mexicano.

Pedro Fernandez mes cu su nomber original ta Jose Martin Cuevas Cobos, actualmente tin 26 aña di edad. For di chiquito a sa di conquista nos curason cu su cancionnan y hasta pelicanan cu el a lansa e tempo ey como Pedrito Fernandez, cu tabata e.o., "La Mochila Azul", "Mi Salon esta de fiesta", "Un canto a las Madres", "Ay Hermanitos mios", "Coriente", y "Canelo" y mucho mas y hasta e pelicanan cu a wordo presenta aki na Aruba tempo e tabata un estrella chiquito.

Awor e ta un estrella grandi y reconoci aya na



Mexico y tur e paisnan latino cu su cancion a sa di conquista. "Mi forma de sentir", "Vamos a placticar", "Si te vas" "Quien" "Tu" y hasta e renovacion di varios tema conoci ta aparece riba su produccion discografico nobo.

Esaki lo ta temanan cu elo combina cu su mariachi GAMA MIL directamente for di Ciudad di Mexico, cu porcierto ta ser concidera como un di e mihor mariachinan di Mexico den actualidad.

Pedro Fernandez lo yega Aruba dia 5 di April, pa asina e duna su presentacion den e centro mas luhoso pa espectaculonan di gala cu ta TROPICANA SHOWROOM di Royal Cabana Casino.

E show mes lo inicia pa 9or di anochi cu un presentacion estelar di Aruba su mariachi di aña esta Mariachi Lirios del Campo, kendenan hunto cu "El charro Arubano" Vicente Tromp lo acompaña e joven cantante Edjean Semeleer den un

homenahe especial na Pedro Fernandez y tambe lo tin presentacion di e otro joven prometador Edward van der Biezen, kende tambe lo forma parti di e homenahe aki.

Tanto Edjean Semeleer y Edward van der Biezen lo hasi un recorido den e temporada glorioso di Pedrito Fernandez. Un anochi cu lo bo no lubida, ya cu elo transportabo den e mundo romantico di cancionnan di "El Mas romantico de Mexico", esta Pedro Fernandez.

Un anochi asina grandi y cu tur su costonan, no ta posibel sin cooperacion y patrosinio di diferente sponser cu a hasi posibel pa Aruba por haya un espectaculo asina grandi. Ta pesey un reconocimiento especial ta bay pa e.o.: na prome lugar gradici e intermediacion di e gerente nobo di Royal Cabana Casino cu ta Sr. Nathan Katz y Sra. Rona Coster di e departamento di marketing y Sr. Ruben Schwengle kende ta e casino manager, kendenan a pone

Tropicana showroom disponibel pa nan por presenta Pedro Fernandez y su Mariachi en concierto.

Playa Liquor & Bottling Co, Topcar Aruba, y JEM Production. Holiday Inn Aruba Beach Resort na unda Pedro Fernandez lo bay hospeda.

Esnan cu ta intersa pa hasi reservacion di mesanan for di awor por yama tel: 35353 durante ora di oficina cu ta for di 9or di mainta te cu 5or di atardi of fax 35354.

Ticketnan ya ta obtenibel na Solid CD Palace tanto na Playa y San Nicolas, Galeria Moderna, Rowaginis, Joey's drive Inn na Sabaneta.

Tambe for dialuna otro siman Top 95 lo tin un programa specialmente dedica pa e concierto aki for di 6or pm pa 7or pm, na unda e radio-oyentenan por gana varios ticketnan.

Pues cuminsa prepara y sigura bo asiento den Tropicana showroom, pasobra esaki ta limita y no ta cos pa warda te mayan of otro siman, debi cu e concierto aki lo bay ta un sold out GARANTISAAA....



** Nos futuro estreyanan Edward van der Biezen y Edjean Semeleer tambe lo forma parti di e fabuloso concierto di gala "La Noche Magica" cu Pedro Fernandez..



** Sandra di Holiday Inn Aruba Beach Resort, Franklin Oduer y Liliana Jansen di Playa Liquor, Erin Croes promotor di e concierto, Ivan Cuesta di GEM Product, Rona Coster di Royal Cabana Casino, Eithel Marcelina representante di Jachmine Pinedo Productions na Corsow..